

Հ. ԲԺՇԿԱՆԸ (ԳԱՅԸ) ԲԱՔՎԻ ՆԱՎԹԱՐԴՅՈՒՆԱԲԵՐՈՂ ԲԱՆՎՈՐՆԵՐԻ ԱՐՀՄԻՈՒԹՅԱՆ ՄԱՍԻՆ

Վ. Ա. ՕՀԱՆՅԱՆ

1906 թ. ՌՍԴԲԿ Բաքվի քաղաքային կոմիտեն, որը գլխավորում էին բուլշևիկները, որոշեց հիմնադրել նավթարդյունաբերական բանվորների ընդհանուր արհեստակցական միություն, որի կազմակերպման և գործունեության հետ կապված տնտեսական ու քաղաքական պայքարի պատմության լուսաբանման համար արժեքավոր նյութեր են պարունակում Հայկ Բժշկյանի (Գայի) 1906—1910 թթ. հայկական մամուլում լույս տեսած հոդվածները՝ «Բանվոր Հայկ» ստորագրությամբ՝ «նամականեր նավթաշխարհից» ընդհանուր վերնագրով:

Այդ միության նպատակն էր, գրում է Հ. Բժշկյանը, «միևնույն արհեստի կամ գործի, զբաղմունքի բոլոր. անհատներին առանց ազգի, կրոնի, քաղաքական համոզմունքի ու սեռի խտրության համախմբել, միացյալ ուժ կազմել և բարդված ուժով կռվել ընդհանուրի կենսական շահերի բարվոքման օգտին»¹:

Այդ մասին Ա. Մռավյանը գրում է. «1906 թվականի աշնանը ընկ. Ալյոշա Ջափարիձեի և մի խումբ առաջավոր բուլշևիկ բանվորների նախաձեռնությամբ կազմակերպվում է նավթարդյունաբերական բանվորների միություն, որն իր մեջ էր առնում և՛ մեխանիկական բանվորներին և՛ նավթահանքերում աշխատող բոլոր բանվորներին, առանց խտրության»²:

Նոր արհմիության անդամների ցուցակագրումը, տեղեկացնում է Հ. Բժշկյանը, սկսվեց 1906 թ. հոկտեմբերի սկզբին Բալախանիում, նույնմբերին՝ Բիրի-Հեյբաթում. 1907 թ. հոկտեմբերին բացվեց միության բաժանմունքը Սև-քաղաքում, իսկ 1908 թ. փետրվարին՝ Սուրախանիում: 1908 թ. հոկտեմբերի 1-ի տվյալներով արհմիության անդամների երեք քառորդը Բալախանիի բանվորներն էին: Միությունը առաջին երկու տարվա ընթացքում արագ աճեց. 1906 թ. հոկտեմբերին միության անդամների թիվը 225 մարդ էր, իսկ 1908 թ. հոկտեմբերի 1-ին 8704»³:

Արհմիության խնդիրների մասին բացատրական աշխատանք կատարելու հետ Բաքվի բուլշևիկները անմիջականորեն գլխավորում էին միության կազմակերպումը, որի վարչության քարտուղարն էր Ալյոշա Ջափարիձեն:

Բաքվի նավթարդյունաբերող բանվորների արհմիության կազմակերպման հիմքում դրված էր ինտերնացիոնալիզմը, որը համախմբելով Բաքվի բազմազգ պրոլետարիատին հակադրվում էր ազգայնական կուսակցությունների պրոլետարիատի ուժերի պառակտման քաղաքականությանը: Դաշնակցությունը ճիգ ու ջանք չէր խնայում հայ բանվորներին հեռու պահելու նավթարդյունաբերող

¹ «Լրաբեր» (Աստրախան), 1909, № 10:

² Հին բուլշևիկների հիշգրտություններ, Գիրք I, Երևան, 1958, էջ 25:

³ Տե՛ս «Լրաբեր», 1909, №№ 10, 11, 12:

բանվորների արհմիությունից: Դրա հետևանքն էր հայ բանվորների համեմատաբար փոքր տոկոսը միութիւն կազմում (10%-ից պակաս, երբ հայերը կազմում էին Բաքվի բանվորների ընդհանուր քանակի 18%-ը): Դաշնակցության պրոպագանդիստները հայ բանվորներին հավատացնում էին, որ հայ ձեռնարկատերերը նրանց դրութիւնը կբարելավեն, եթե նրանք օտարների ազդեցութիւնը չենթարկվեն: Բայց դրանք ապարդյուն փորձեր էին. դաշնակցութիւնը Բաքվում սեփական հայ արհմիութիւններ ստեղծել չկարողացավ: Դրա պատճառն անշուշտ այն էր, որ նավթարդյունաբերող բանվորների արհմիութիւնի ազդեցութիւնը մեծ էր⁴:

Արհմիութիւնների կազմակերպման սկզբնական շրջանում բոլորն ընդունում էին, որ արհմիութիւնը անկուսակցական կազմակերպութիւն պիտի լինի, սակայն դրա մասին պարզ պատկերացում չկար: Վիճելի էր նաև արհմիութիւնների ու կուսակցութիւնների փոխհարաբերութիւնի հարցը:

Բաքվի նավթարդյունաբերական բանվորների արհմիութիւնի կազմակերպումը հետապնդում էր նաև քաղաքական այնպիսի նպատակներ, որոնք համընկնում էին ամենից առաջ սոցիալ-դեմոկրատիայի քաղաքական պահանջներին: Մյուս կուսակցութիւնները նավթարդյունաբերող բանվորների արհմիութիւնը անկուսակցական կազմակերպութիւն չէին համարում և արհմիութիւնի ղեկավար բոլշևիկներին մեղադրում էին «կուսակցամոլութիւն» մեջ:

2. Թշկյանը գրում էր «Մեր ընկերները... մերժեցին կուսակցական պրոֆեսիոնալ միութիւն անհրաժեշտութիւնը, մանավանդ նավթաշխարհի համար, ուր թուրք, հայ, ռուս, հրեա, լեզգի և այլ ազգերի բանվոր դասը կողք-կողքի է կենակցում, տառապելով միևնույն կարիքների մեջ...»⁵: Այնուհետև, անդրադառնալով սոցիալ-դեմոկրատական կազմակերպութիւնի դեմ դաշնակցականների ամբաստանութիւններին, նա գրում է. «Սոցիալ-դեմոկրատական կազմակերպութիւնները չեն, որ պիտի մեղադրվեն կուսակցամոլութիւն ախտով, այլ այն անշուշտ քաղաքագետները, որոնք բանվորի անունն ու շահը վահան չինած, քողարկում են իրենց հակապրոլետարական ֆիզիոնոմիան...»⁶:

Պաշտպանելով արհմիութիւնների անկուսակցականութիւնի սկզբունքը, 2. Թշկյանը փաստորեն պաշտպանում էր այդ խնդրի վերաբերյալ ՌՄԴԲԿ դրութիւնը, որի մասին ամբողջ հանգամանորեն է արտահայտվել Ս. Սպանդարյանը՝ «...Բայց հակառակ ոստիկանական պետութիւնի բոլոր հալածանքներին,— գրում է նա,— արհեստակցական միութիւնները զնալով աճում են և տարածվում ամենուրեք: Ինչպես հայտնի է, մեր կուսակցութիւնի վերջին

⁴ Դաշնակցութիւնը ազգային անջատմանութիւն քաղաքականութիւն էր վարում նաև այլ բնագավառներում: Ինչպես 2. Թշկյանն է հիշատակում «Հակաբանվորական մի քայլ» հոդվածում (ւերաբերք, 1908, № 34), ի հակադրութիւն ինտերնացիոնալ սկզբունքներով կազմակերպված «Տրուդ» սպասողական կոոպերացիայի, որն արդեն իր խանութներն էր բացել Բաքվի մի շարք քաղաքամասերում, դաշնակցութիւնը ստեղծել էր «Առաջ» սպասողական կոոպերացիան, որին անդամագրվել կարող էին միայն հայերը:

Նույն երևութիւնը նկատի ունեն Ստ. Շահումյանը, երբ գրում էր «Եւ մի քաղաքում այնքան կործանարար կերպով մասնատված չէ կոոպերացիան, ինչպես մեզանում Բաքվում» (տե՛ս Խ. 2. Բարսեղյան, Ս. Շահումյանի կյանքի ու գործունեութիւնի վավերագրական տարեգրութիւն, Երևան, 1968, էջ 336):

⁵ «Երաբերք», Աստրախան, № 10, 11, 12, 1909:

⁶ Նույն տեղում:

համագումարը որոշակի արտահայտվեց հօգուտ արհեստակցական միությունների կազմակերպության և նրանց անկուսակցական լինելուն»⁷:

Ս. Սպանդարյանը գտնում է, որ դաշնակցությունը խանգարում է բանվորական միությունների կազմակերպմանը: «...Դաշնակցությունը իրեն լողունդ հայտարարեց — զուտ ազգայնական արհեստակցական միություններ: Գիտե՞ք ինչու, սոցիալ-դեմոկրատիայի համար պարզ է, որ յուրաքանչյուր բանվորական կազմակերպություն, որքան էլ որ նա հրաժարվի ամեն մի քաղաքական կռիվից... իրերի ամբողջ ընթացքով անխուսափելիորեն պետք է ենթարկվի այն քաղաքական կուսակցության ղեկավարությանը, որը, ըստ էնգելսի ճանաչողական պայմանում է անգիտակից պրոցեսի գիտակից արտահայտիչը» այսինքն՝ սոց. դեմոկրատիային: Այդ պատճառով մենք սառնասրտությամբ ենք նայում անկուսակցական արհեստակցական միությունների վրա և ամեն կերպ նպաստում ենք նրանց կազմակերպվելուն: Մինչ դաշնակցությունը ամենից ավելի երկյուղ է կրում անկուսակցականությունից. նա վախենում է, որ այդ անկուսակցական կազմակերպությունների մեջ երևան կգա իր բուրժուական և նեղ ազգայնական բնույթը...»⁸:

Բոլշևիկները արհմիությունների առաջացման միայն սկզբնական շրջանում էին կողմնակից դրանց անկուսակցականությանը: Հետագայում, երբ շատ երկրներում սոցիալ-դեմոկրատիայի աջ օպորտունիստական թևը արհմիությունների անկուսակցականությունը ամեն պատեհ առիթով օգտագործում էր նրանց չեզոքացնելու և քաղաքական դեմքից զրկելու համար, բոլշևիկները խոնդոնի համագումարում փոխում են այդ դրույթը. ավելի ուշ՝ Շտուտգարտի միջազգային կոնգրեսում արդեն ճշգրտվում է սոցիալ-դեմոկրատական կուսակցությունների ու արհմիությունների փոխհարաբերությունը: Վ. Ի. Լենինը այդ խնդրին անդրադարձել է մի քանի անգամ: «ՌՍԴԲԿ Ստոկհոլմի համագումարը արտահայտվեց հօգուտ անկուսակցական արհմիությունների, այսպիսով ընդունեց չեզոքության տեսակետը, — գրում է Լենինը, — ...ընդհանուր կերպով խոնդոնի համագումարը այլ սկզբունք առաջադրեց, միությունների մերձեցումը կուսակցության հետ ընդհուպ մինչև (որոշ պայմաններում) միությունների կուսակցական ճանաչելը: ...Շտուտգարտի համագումարի բանաձևը... վերջ է դնում չեզոքության սկզբունքային ճանաչմանը»⁹:

Արհմիությունների և կուսակցությունների այդ մերձեցումը, իհարկե, բոլորովին չէր նշանակում, որ արհմիության մեջ ընդունվող ամեն մի բանվոր սոցիալ-դեմոկրատ էր դառնում, բայց կուսակցությունը ճանաչվում էր որպես քաղաքական ղեկավար ուժ արհմիության նկատմամբ: Բաքվի բոլշևիկները ճիշտ այդպիսի սկզբունքով էին ղեկավարում նավթարդյունաբերող բանվորների արհմիությանը, այն վերածելով դասակարգային մարտական կազմակերպության: Սակայն Հ. Բժշկյանը արհմիությունների անկուսակցականությունը համարում էր մշտական, անփոփոխ սկզբունք, չմեղմելով կամ գուցե դեռ տեղյակ չլինելով խոնդոնի համագումարի ու Շտուտգարտի կոնգրեսի որոշումներին:

Արհմիությունների կազմակերպման խնդրում յուրջ տարածայնություններ գոյություն ունեին բոլշևիկների և մենշևիկների միջև: Բոլշևիկների կարծիքով

⁷ Տե՛ս Ս. Սպանդարյան, Երկեր, հ. I, Երևան, 1959, էջ 47—49:

⁸ Նույն տեղում:

⁹ Վ. Ի. Լենին, Երկեր, հ. 13, էջ 85:

արհմիությունը պետք է ընդգրկեր արդյունաբերության տվյալ ճյուղի մեջ աշխատող, ղանադան ազգությունների պատկանող, տարբեր մասնագիտությունների տեր բոլոր բանվորներին: Մինչդեռ մենշևիկները հենց սկզբից Բաքվում ստեղծեցին երեք իրարից անշատ արհմիություններ և երկար ժամանակ ազդեցություն ունենալով մեխանիկների արհմիության ղեկավար օրգաններում, ամեն կերպ խոչընդոտում էին այդ արհմիության և նավթարդյունաբերող բանվորների արհմիության միաձուլմանը, որը հանգեցնում էր պրոլետարիատի ուժերի չլատմանը:

Չնայած միավորման անհրաժեշտության մասին եղած խոսակցություններին, մեխանիկների արհմիության մենշևիկ ղեկավարները գործնական քայլ չէին կատարում, առաջարկելով միավորվել ֆեդերալ հիմունքներով, պահպանելով մեխանիկների միության բաժանմունքային վարչությունը և դրամարկղը: Մերկացնելով նման միավորման կեղծ բնույթը Զափարիձեն պահանջում է ըստեղծել «մեկ միություն, մեկ վարչություն, մեկ դրամարկղ. տեղ չպիտի ունենան սեկցիոն վարչություններն ու սեկցիոն մարտական դրամարկղները»¹⁰:

Սակայն միավորումն այդպես էլ չկայացավ, դեռ ավելին մենշևիկները փորձեցին իրենց ձեռքը գցել նավթարդյունաբերող բանվորների արհմիության Բիրի-Հեյրաթի բաժանմունքը, բայց հաջողության չհասան:

Մենշևիկները փորձեցին նաև իրենց ազդեցության տակ գցել նավթարդյունաբերող բանվորների արհմիության վարչությունը այն ժամանակ, երբ ցարական ոստիկանությունը սկսեց Բաքվի բոլշևիկների, այդ թվում և արհմիութենական ղեկավարների ձերբակալությունները:

Նավթարդյունաբերող բանվորների արհմիության ղեկավարությունը դեմ էր մասնակի ու անկազմակերպ գործադուլներին: Ս. Սպանդարյանը այդ առթիվ գրել է. «Միության ազդեցությունն ու նշանակությունը բարձրանում է օրեցօր... Միանգամայն հասկանալի է, որ ինտերնացիոնալ միության հեղինակության այդ աճումը պետք է անհանգստացներ բոլոր ազգերի նացիոնալիստներին, հանգիստ չտար նրանց»¹¹: Այնուհետև բերելով նավթարդյունաբերական բանվորների դեմ ուղղված ելույթի մի օրինակ (դաշնակցական «Վտակ» թերթի № 49-ում տպագրված թղթակցությունը Բալախանիից), Սպանդարյանը գրում է. «Ինչի՞ համար է դաշնակների այդ ամբողջ աղմուկը, կատաղի վայնասունը: Գաղտնիքը շատ հեշտ է լուծվում, Միրզոկի «հայկական» ֆիրման հրավիրել էր նավթարդյունաբերական բանվորների միությանը: Մինչ այդ միայլ «հայկական» ֆիրմա՝ Պիտոկի ֆիրման նույնպես գործադուլի ժամանակ հրավիրել էր միության գործիչներին: Երկու հարված իրար հետևից: էլ ինչպե՞ս չկատաղել, չդիմել ստի ու զրպարտության»: Այո՞, հայ կապիտալիստները նույնպես ընդունում էին նավթարդյունաբերական բանվորների միության հեղինակությունը, ճանաչում էին նրա ուժը և դա էլ հենց կատաղեցնում էր դաշնակներին: «Վտակի» թղթակիցը մեղադրում է միությանը խաբեբայության մեջ, օգտագործելով «Գուդոկում» տպագրված մասնակի գործադուլների դեմ գրված մի հոդված («Կոչեգար» ստորագրությամբ):

«Կոչեգարն» իր հոդվածում դեմ է մասնակի գործադուլին, իսկ դուք, միութենականներդ ղեկավարում եք միրզոկյան մասնակի գործադուլը: Հակասու-

¹⁰ Տե՛ս Պ. Ա. Զափարիձեն, Ընտիր հոդվածներ, ճառեր և նամակներ, Երևան, 1970, էջ 113:

¹¹ «Гудок», 16. III. 1968.

թյուն, անհետևողականություն, խաբեբայություն և այլն և այլն,— ճշում է դաշնակցականը: Միթե պարոնի համար պարզ չէ, որ պիտոեյան գործադուլի ժամանակ միության ներկայացուցիչները դեմ են դուրս եկել «փեշքեշային» գործադուլին, իսկ «սոցիալիստ» դաշնակցականները պաշտպանում էին բանվորներին այլասերող ու ստորացնող «պարգևը»¹²:

Հ. Բժշկյանը նույնպես հանդես է գալիս մասնակի, անկազմակերպ գործադուլների և բանվորների վարձատրության այն բոլոր ձևերի դեմ, որոնք բանվորներին ստորացուցիչ կախման մեջ էին պահում բարերարի տեսք ընդունած գործատերերից¹³:

1909 թ. Բաքվում սկսված նոր ձերբակալությունների և բանվորական կազմակերպությունների հալածանքի հետևանքով միությունը անկում է ապրում և կապիտալիստները աստիճանաբար բանվորներից հետ են խլում նրանց նվաճած իրավունքները:

Միայն հետագայում՝ 1916—1917 թթ., հատկապես Ջափարիձեի աքսորից վերադառնալուց հետո (1917 թ. ապրիլ) միությունը վերականգնվում է, կազմակերպվում են հզոր գործադուլներ ու ցույցեր, կնքվում է ընդհանուր կուլեկտիվ պայմանագիր:

Բաքվի նավթարդյունաբերական բանվորների արհեստակցական միության կազմակերպման գործում, բանվոր դասակարգի պայքարի ղեկավարման հարցերում բոլշևիկները սկզբունքային պայքար էին մղում ոչ միայն մենշևիկների, դաշնակների, այլ նաև մուսավաթիստների, էսէռների, կադետների և քաղաքական այլ հակառակորդների դեմ: Այդ պայքարում բոլշևիկների սկզբունքների պաշտպանությամբ և պրոպագանդայով հանդես էր գալիս ադրբեջանցի բանվորների շրջանում աշխատանք ծավալելու նպատակով Բաքվի բոլշևիկյան կոմիտեի որոշմամբ ստեղծված Հումմեթ սոցիալ-դեմոկրատական կազմակերպությունը: Հումմեթի եռանդուն գործունեությանը պիտի վերագրել զգալի թվով ադրբեջանցի բանվորների ընդգրկումը Բաքվի նավթարդյունաբերող բանվորների արհմիության շարքերը: Հումմեթի անդամներից արհմիության ակտիվ կազմակերպիչներ ու պրոպագանդիստներ էին Մ. Ազիզբեկովը, Մ. Մամեդյարովը, Ա. Բ. Յուսուֆ-Ջադեն, Մ. Բ. Կասումովը, Բ. Դադաշևը, Ա. Սուլեյմանովը և ուրիշներ:

Հարավային (իրանական) Ադրբեջանից եկած բանվորների մասին իր հոդվածում Հ. Բժշկյանը մեծ համակրանքով է խոսում: Այդ հոդվածում նա հետաքրքիր տվյալներ է բերում ադրբեջանցի բանվորների աշխատանքի ծանր պայմանների, ցածր աշխատավարձի, կենցաղային ու կուլտուրական անմխիթար վիճակի մասին¹⁴:

Հ. Բժշկյանը, որը այդ տարիներին բանվոր էր Բալախանիում, հոգուտ նավթարդյունաբերող բանվորների արհմիության պրոպագանդիստական ու կազմակերպչական աշխատանք էր տանում ոչ միայն Բալախանիի հայ բանվորների, այլև ադրբեջանցիների շարքերում: Իր մի այլ թղթակցության մեջ նա գրում էր. «Ուրախալի էր տեսնել «Բոկենդորֆ» ֆիրմայի թուրք (ադրբեջանցի—Վ. Օ.) բանվորների ուշադիր և լուրջ վերաբերմունքը, երբ նրանց

¹² Նույն տեղում:

¹³ Տե՛ս «Լրաբեր», Աստրախան, 22. IV. 1908:

¹⁴ «Լրաբեր», Աստրախան, ՊՊ 32, 33, 1908:

ասում էին արհմիության անհրաժեշտության, նրանց աննախանձելի վիճակի, գործադուլի մասին»¹⁵,

Այսպիսով, ինչպես տեսանք, նավթարդյունաբերող բանվորների արհմիության կազմակերպման, Բաքվի պրոլետարիատի պայքարի տեսական ու տակտիկական կարևորագույն խնդիրներում Հ. Բժշկանը 1906—1910 թթ. հանդես է եկել բոլշևիկյան տեսակետների պաշտպանության դիրքերում:

АЙК БЖИШКЯН (ГАЙ) О ПРОФЕССИОНАЛЬНОМ СОЮЗЕ НЕФТЕПРОМЫШЛЕННЫХ РАБОЧИХ ГОРОДА БАКУ

В. А. ОГАНЯН

Р е з ю м е

В революционной борьбе пролетариата Закавказья важную роль сыграл профессиональный союз нефтепромышленных рабочих, созданный в 1906 г. по инициативе большевиков Баку.

Для освещения истории экономической и политической борьбы пролетариата Баку в рамках этой организации ценный материал содержится в статьях Айка Бжишкяна, опубликованных на страницах армянских прогрессивных газет 1906-1910 гг. В этих публикациях Бжишкян, в будущем прославленный военачальник Красной Армии, известный под именем Гай, выступает с большевистских позиций, что наглядно проявляется при сопоставлении его взглядов по ряду вопросов текущей политики со взглядами известных деятелей большевиков Закавказья—С. Шаумяна, А. Джапаридзе, С. Спандаряна и др.

¹⁵ «Ապագա», Բիֆլիս, 30. III. 1907.